

ԲՆԱԿԶՈՒԹՅԱՆ ՏԵՂԱՇԱՐԺԵՐԸ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ 1918-1920թթ.

Անկախության առաջին ամիսներին Հայաստանը ավելի շուտ գաղթականական կայան էր հիշեցնում: 1918թ. վերջին թուրքերի հեռանալուց հետո գաղթականությունը սկսեց տարերայնորեն շարժվել իրենց նախկին բնակավայրերը: Էջմիածնում և Ղարաքիլիսայում բազմաթիվ գաղթականներ կուտակվեցվին, ընդ որում հենց միայն Էջմիածնում՝ 140000 հոգի¹: Հատկապես շատ անհամբեր էին սուրմալեցիները, դամարլեցիները և սարդարապատցիները: Կառավարությունը ճիգ էր գործադրում կազմակերպված ծև տալու այս գործընթացին, սակայն լիակատար հաջողություն ապահովելը դժվար էր: 1919թ. մայիսի վերջին թուրքերի թողած բոլոր տարածքները՝ Շիրակը, Կարսը, Սուրմալուն, Վեդին, Նախիջևանը բնակեցված էր վերադարձած հայերով:

1918թ. վերջին թուրքերի հեռանալուց հետո մուսուլման բնակչության մի զգալի մասը հեռացավ իր բնակավայրերից՝ վախենալով հայերի արդարացի պատժից այն օժանդակության համար, որ իրենք ցույց էին տվել թուրքերին նրանց օկուպացիայի ընթացքում: Հեռացած մուսուլմանների թիվը, ըստ գավառների, մոտավորապես կազմում էր. Էջմիածնից՝ 25000 հոգի, Երևանից՝ 25000 հոգի, Սուրմալուից՝ 18340 հոգի, Ալեքսանդրապոլից՝ 1500 հոգի, Ղարաքիլիսայից՝ 8000 հոգի, Ղարալազյազից՝ 23000 հոգի, Նոր Բայազետից՝ 13800 հոգի: Ընդհանուր թիվը կազմում էր մոտ 115000 հոգի²: Հետագայում, համոզվելով հայերի բարյացակամ վերաբերմունքի մեջ, նրանք սկսեցին վերադառնալ: 1919թ. մարտի 11-ի դրությամբ Հայաստան էր վերադարձել մոտ 29000 մուսուլման³: Չնայած գյուղերի մեծամասնությունում տեղավորվել էին հազաղթականները կամ վարձակալության էր տրված անհատ անձանց, այնուամենայնիվ Հայաստանի իշխանություններն ամեն միջոց ձեռնարկում էին նրանց տեղավորելու համար: 1919թ. ապրիլի 2-ին կառավարությունը որոշում է ընդունում նախկին մուսուլմանաբնակ գյուղերն իրենց վերադարձող տերերին հետ տալու մասին. թեկուզ և «..... զանձարանը դրամական կորուստներ ունենա»:

Ավելին, որոշվեց որ «..... մինչև հողային օրենքի ընդունումը ծանաչվում է թուրք կալվածատերերի իրավունքն իրենց հողերի նկատմամբ»⁴: Նույն թվականի մայիս ամսին ՆԳ նախարարի պաշտոնակատար Ս. Մանասյանը կարգադրում է. «..... այն մուսուլմանական գյուղերում, հիմա զբաղեցրած հայ

փախստականներին, ուր վերջիններս տասը ժխից ավել չեն, անհապաղորեն տեղափոխել որևէ այլ նույնափսի քիչ հայ փախստականներով բնակեցված գյուղեր: Նրանց ազատած գյուղերը համծնել միայն վերադարձող թաթարներին»: Միայն ռազմավարական անվտանգության առումով արգելվում էր մուսուլմաններին բնակվել երկաթգծի և կարևոր մայրուղիների մերձակայքում⁵: Մինչև ամառ իրենց բնակավայրերը վերադարձան Ջանգիբասարի, Դարալազյազի, Վեդիբասարի, Սուրմալուի, Սարդարապատի, Թալինի, Ղամարլուի մուսուլմանների մեծամասնությունը: Կառավարությունը միայն բացառիկ դեպքերում էր մերժում վերադարձի խնդրանքները: Ապրիլի 2-ին մերժվեց Զաջի Մուխանի, Աղզիբիբի և միլիդարացիների վերադարձը: Չնայած դրան՝ հետագայում միլիդարացիները վերադարձան: Այդ հարցում հավանաբար միջնորդել են անգլիացիները: Ռ. Տեր-Մինասյանը նշում է նման մի միջնորդության մասին՝ հոգուտ Զղինի թաթարների և հավանական է, որ Միլիդարայի համար նույնպես նման միջնորդություն եղել է⁶:

Մուսուլմանների վերադարձը շարունակվեց մինչև 1919 թ. ամառը, երբ, ի պատասխան հայերի բարյացակամության, նրանք պատասխանեցին իրենց յուրահատուկ երախտամոռությամբ և երկրի տարբեր անկյուններում խռովություններ բարձրացրին: Մինչև այս դեպքերը վերադարձածների թիվը ըստ մեր հաշվարկի պակաս չէր 50000-ից: Խռովությունների պատճառով բնակչությամբ մեծ տեղաշարժեր եղան: Նախիջևանում ընդամենը երկու ամիս առաջ վերահաստատված հայերը կրկին բռնեցին գաղթի ճամփան: Փրկվածների մեծ մասն էլ՝ մոտ 7000 հոգի, անցան Դարալազյազ, մի մասն էլ կենտրոնացավ Գողթնի լեռնային գյուղերում: Եղան նաև Պարսկաստան անցնողներ⁷: Շարուրից նահանջող հայկական ուժերը և բնակչության մի մասը անցան Դավալու, իսկ մի քանի օրից, վերցնելով նաև այստեղի մոտ 6000 հոգի հայերին, նահանջեցին Ղամարլու:

Սուրմալույում ծագած խռովությունների պատճառով Կողթի տարածքից գաղթեցին մոտ 5000 հոգի հայ և եզդի բնակչություն⁸:

Կառավարությունը կարողացավ ճնշել մի քանի խռովարար շրջանների, որոնց բնակչությունը հեռացավ այդ տարածքներից: Ամբողջովին հեռացան Թալինի, Բասարգեչարի, մասամբ Ղամարլուի, Դարալազյազի մուսուլմանները:

Դեկտեմբերի կեսերին Ջանգեգուրում ճնշվեցին բոլոր մուսուլմանական գյուղերի խռովությունները, որոնց բնակչության մի մասը հեռացավ Նախիջևան, մի մասն էլ՝ Ադրբեջան: Այնուամենայնիվ 1919թ. վերջին մուսուլմանական բնակավայրերի մեծամասնությունը չէր ենթարկվում կառավարությանը: Զամաձայն 1919թ. վիճակագրության՝ բնակիչ ունեցող մուսուլմանական

651 գյուղից 401-ը չէր վիճակագրվել: Մեծամասամբ դրանք խոռվարար գյուղեր էին: Այս թվի մեջ հաշվված չէ Նախիջևանի նահանգը:

1919-1920թթ. ծնողանը հնագանդեցվեցին Սարդարապատի և Աշտարակի գյուղերը. Կարսի նահանգից՝ Ջարիշատի և Աղբաբայի գավառամասերը:

Մուսուլմանների կողմից լքված գյուղերում կառավարությունը փորձում էր տեղավորել գաղթականներին, որով կլուծվեր նրանց սոցիալ-տնտեսական հարցերի մի մասը: Սակայն պետք է նշել նաև, որ գաղթականությունը դժկամությամբ էր տեղավորվում գյուղերում, հատկապես արևմտահայերը, որոնք իրենց այս տարածքներում գտնվելը համարում էին ժամանակավոր և չէին ուզում հիմնավորվել: Շատերն էլ գերադասում էին երևանում ապրել և նպաստ ստանալ, քան տեղափոխվել ապրելու իրենց հատկացված գյուղերում: Այս առիթով 1920թ. հունիսի 21-ին Խնամատարության նախարարությունից Երևանի քաղաքային վարչությանը կարգադրում են դադարեցնել գաղթականության հացի բաշխումը, քանզի նրանք պարտավոր էին տեղափոխվել ապրելու իրենց հատկացված գյուղերում⁹:

Բնակչության ևս մի խոշոր տեղաշարժ եղավ 1920թ. ամառը, երբ հայկական ուժերը հնագանդեցրին Ջանգիբասարի, Վեդիբասարի, Ղամարլուի և Շարուրի խոռվարարներին: Իշխանություններն անմիջապես քայլեր ձեռնարկեցին այս տարածքներում գաղթական բնակչությանը տեղավորելու համար:

Հունիսի 28-ի դրությամբ Ջանգիբասարում բնակեցված էր արդեն տասը գյուղ՝ Ռեհանլուն, Սեյիդքենդը, Ղարաղշլաղը, Սառաջալարը, Սրբատը, Ներքին և Վերին Նեջերլունքը, Ենգիջան, Ղոնգուզյանը, Մուղամլուն: Ղոնգուզյանի վերաբնակիչները Վեդիբասարի Ղարախաչ, Բիրալու, Քեշիշկերան գյուղերից էին՝ 542 հոգի, մնացածը հիմնականում արևմտահայեր էին, ընդհանուր առմամբ՝ 2736 հոգի¹⁰:

Վեդիբասարում օգոստոսի 28-ի դրությամբ վերաբնակեցվել էր 15 գյուղ՝ Ավշարը, Ղաշլուն, Ղահնազը, Քեշիշդաղը, Սաղարակը, Շիիդլուն, Բոյուք Վեդին, Չիմանքենդը, Ղարաբաղլարը, Գորովանը, Ենգիջան, Թայթանը, Աղասիբեկլուն, Ալիմամեդը, Խալիսան: Մեկ գյուղ էլ՝ Ղարալարը, անցել էր Գլխավոր Շտաբի իրավասության տակ: Շիրազլուն և Ճաթղձանը տրված էր Թիֆլիսում գտնվող գաղթականներին, որոնք սակայն օգոստոսի վերջին դեռ չէին եկել: Ընդհանուր առմամբ Վեդիբասարում վերաբնակվել էին մոտ 5500 հոգի¹¹:

Սուրմալուի գավառում ևս կառավարությունը վերաբնակեցման աշխատանքներ էր իրականացնում: Այստեղ նույնպես կային բավականաչափ լքյալ գյուղեր: 1919թ. ամռանը գավառի տարածքում հաշվառվել էր 8900 հոգի արևմտահայ փախստական: Սակայն Սուրմալուի գավառում կյանքի պայման-

Ներքո չափազանց ծանր էին: Ի հավելումն սոցիալ-տնտեսական անմխիթար վիճակին, չէին դադարում նաև ռազմական ընդհարումները: Այդ պատճառով էլ փախստականները դժկամությամբ էին տեղավորվում Սուրմալուի գյուղերում և առաջին իսկ առիթի դեպքում ցանկություն էին հայտնում հեռանալ: Այսպես 1920թ. գարնանը կառավարությունը 4 գյուղերում տեղավորել էր 2916 հոգի զաղթականներ Նուխի գավառից: Սակայն Շարուրի գրավումից անմիջապես հետո նրանք ցանկություն էին հայտնում այնտեղ տեղափոխվել: Կառավարությունը խնդրանքը չի մերժում: Բացի դրանից, Սուրմալուի գավառում 1920թ. գարնանը վերաբնակեցվել էր ևս մի քանի գյուղեր: Չարուխչի գյուղում վերաբնակվել էին 186 հոգի աղբակցիներ, Շիրաչիում՝ գանձակեցիներ: Զիլֆուղարում տեղավորվել էին Գյոքչայի և Շամախու փախստականները, իսկ Սուլթանաբադում՝ 35 տուն արևմտահայ փախստականներ: Վիճակագրության տվյալներով Սուրմալույում կային նաև 535 հոգի արևելահայ փախստականներ:

Վերաբնակեցման լայն աշխատանքներ էր գնում նաև Շարուրում: Այդ աշխատանքներն իրականացվում էր նաև Վայոց Ձորի գավառային Զոդային կոմիտեի կողմից: Այստեղ հիմնականում Դարալագյազի սակավահող գյուղերից ժողովրդի մի մասին վերաբնակեցնում էին Շարուրի լքյալ գյուղերում: Դարալագյազի լքյալ գյուղերից Զիվայում վերաբնակվել էին 15 տուն քեչիշքենդցի և 24 տուն Բաշքենդցի ու Օրթաքենդցի: Զորսում հաստատվել էին Նախիջևանի Բաղամլու գյուղից գաղթածները¹²: Շարուրում հոկտեմբերի 28-ի դրությամբ վերաբնակվել էր մոտ 2000 հոգի: Որոշ գյուղերի վերաբնակեցումն էլ ընթացքի մեջ էր¹³:

Զոդային կոմիտեները վերաբնակեցման ծրագրեր էին կազմում նաև մյուս գավառներում:

Էջմիածնի գավառում Զոդային կոմիտեն հատուկ ուշադրություն է դարձնում սակավահող Ապարանի վրա, ուր հողը հազիվ էր բավարարում 10-12000 հոգու, մինչդեռ ապրում էր մոտ 25000 հոգի: Որոշվեց՝ գյուղացիության կեսին տեղափոխել Կարսի նահանգ, որի կլիման նման էր Ապարանի կլիմային և կային բավական լքյալ գյուղեր: Երեք գյուղի՝ Նորաշենի, Սաչլույի, Դարաբուլաղի հողագուրկ գյուղացիները տեղափոխվեցին Աշտարակի լքյալ Բաբաքիշի և Զիրաշլու գյուղերը:

Նոր Բայազետի Զոդային կոմիտեն որոշեց առավել խիտ բնակեցված գյուղերից բնակչության մի մասին տեղափոխել Զաջի Սուխանի և Բասարգեյյարի լքյալ գյուղերը¹⁴:

Զոդի սակավության պատճառով ուրիշ գյուղեր ևս խնդրում էին կառավարության իրենց տեղափոխել լքյալ գյուղեր: Լոռու Շահնագար գյուղից 127

ընտանիք խնդրում էին իրենց տեղափոխել Կարսի նահանգի Արդուս, Դայնալը, Սոգուբլու և Սուբաթան գյուղերը: Լքյալ Տայնալը, Աղուզում, Քինակ, Իլանլու գյուղեր տեղափոխվելու ցանկություն են հայտնում Արթիկ և Բաբուլի գյուղերից¹⁵:

Բացի բնակչության ներհանրապետական տեղաշարժերից, տեղի եր ունենում արտագաղթ և ներգաղթ:

Զիաշված այս բնակիչներին, որոնք խռովություններ բարձրացնելով ի վերջո ստիպված էին լինում լքել Չայաստանը, երկրից արտագաղթելու պատճառները հիմնականում սոցիալ-տնտեսական էին: Դեռ 1918թ. սկզբին մոտ 100000 հոգի երկրից հեռացել էին Վրաստան և Հյուսիսային Կովկաս: 1919թ. վերջին Կարսի նահանգից զգալի թվով հույներ հեռացել էին Վրաստան:

1920թ. սկզբին նահանգապետ Ղորղանյանը զեկուցում է կառավարությանը, որ Կարսից մոտ 1000 հոգի թուրքեր ցանկանում են գաղթել Ադրբեջան: Այդ նույն ժամանակ Կարսում Պարսից հյուպատոսը խնդրում է թույլ տալ Ադբաբայի գավառամասին շիա-կարափափախներին տեղափոխվել Պարսկաստան: Հյուպատոսն իր այդ քայլը պատճառաբանում է բնակչության ծանր տնտեսական վիճակով: Կ. Սասունին դրան ավելացնում է, որ այդ բնակիչների գաղթելու պատճառներից է նաև իրենց սյունի-կարափափախ ազգակիցների բռնաճնշումները: Հետաքրքիր է, որ վիճակագրության փաստաթղթերում սյունի-կարափափախներին կոչում են «թուրք», իսկ շիաներին՝ «պարսիկ»: 1920թ. ամռանը մոտ 6000 հոգի կարափափախներ անցնում են Պարսկաստան¹⁷:

Զնայած Չայաստանի ոչ այնքան կայուն իրավիճակին, շատերն էին ցանկություն հայտնում ներգաղթել: 1920թ. գարնանը նման ցանկություն էին հայտնում Միջագետքում հավաքված ասորիներն ու եզդիները¹⁸:

Սուխումից 1920թ. սկզբին Չայաստան են գալիս 90 տուն հայեր, որոնց կառավարությունը տեղավորում է Սուրմալույի գավառի Սարիչոբան և Աղավեր գյուղերում: Սրանք տրապիզոնցիներ էին¹⁹:

Բաթումից Չայաստան եկած 172 տուն ախլաթցիներին տեղավորում են Կաղզվանի գավառի Շաբան գյուղում²⁰:

Կառավարության հիմնական մտահոգություններից մեկն էլ Նուխի-Արեշի շրջանի հայերի վիճակն էր: Նրանցից մոտ 5000 հոգի փախել էին Թիֆլիս: 1919թ. հունիսին կառավարությունը որոշում է ընդունում նրանց Չայաստանի քաղաքացու վկայականներ տալու և Չայաստան տեղափոխելու մասին²¹:

Նրանց վերաբնակեցնում են Էջմիածնի գավառի Քյոլանլու, Ղարխուն, Ղանարլու, Թուրքմենլու, Սուրմալույի գավառի Գյոյջալու, Թոխանջալու,

Մալաքլու, Ղարադոյունլու, Ղամարլուի Սաբունչի և այլ գյուղերում: 1920թ. ամռանը Թիֆլիսում գտնվողներին է հատկացվում նաև Շիրազում:

Ներգաղթողներ կային նաև Գանձակի գավառից: Այս գավառի Կոզեն գյուղից ներգաղթածներ կային Շամշադինում, իսկ 1920թ. ամռանը նաև Վեդիբասարի Գորովան գյուղում:

Կային նաև Պարսկաստանից ներգաղթածներ: 1919թ. վիճակագրության ժամանակ պարսկահայ 50 գաղթականներ են հաշվառվել Ղափանում²²: 1920թ. ամռանը Ավշար գյուղում վերաբնակեցվածների մեջ կային նաև մակվեցիներ: 1920թ սեպտեմբերին սկսված թուրքական ներխուժումների հետևանքով կրկին տնավեր եղան Կարսի, Սուրմալուի, Ալեքսանդրապոլի տարածքների բնակչությունը: Այս պատերազմի արդյունքում ճիշտ է Ֆայաստանը հսկայական մարդկային և տարածքային կորուստներ ունեցավ, բայց ունեցավ նաև մեկ ձեռքբերում: Եթե 1919թ. վերջին հայերը կազմում էին երկրի բնակչության մոտ 64%-ը (ներառյալ «Չեզոք գոտին»), ապա արդեն 1922թ.-ին այդ թիվը կազմում էր մոտ 87 %: Այս փաստերով հերքվում է խորհրդային պատմագիրների այն զրպարտությունները, թե իբր Ֆայաստանի իշխանություններն երկրի եթնիկ միատարրությունը փորձում էին ապահովել ժողովրդագրական գտման հաշվին:

Ֆայաստանը գրեթե եթնիկ միատարրություն ձեռք է բերել տարածքային կորուստների հաշվին:

1. Սիմոն Վրացյան, Ֆայաստանի Ֆանրապետություն, Եր., 1993, էջ 263:

2. ՀՀ Ազգային Արխիվ (այսուհետև՝ ՀԱԱ), Ֆ201, ց.1, գ.167, ք 58:

3. Նույնը, ք 60:

4. ՀԱԱ Ֆ 201 ց.1, գ.149 (մաս II), ք 226:

5. ՀԱԱ Ֆ 203 ց.1, գ.4, ք 44-46:

6. Ռուբեն, Ֆայ Յեղափոխականի մը հիշատակներ, Եր., 1990, հ. 7, էջ 208:

7. Է.Զոհրաբյան, Նախիջևանի հիմնահարցը և Ֆայաստանի դաշնակիցները, Եր., 2000, էջ 155-157:

8. Սիմոն Վրացյան, Ֆայաստանի Ֆանրապետություն, էջ 318:

9. ՀԱԱ Ֆ205, ց.1, գ.802 (մաս II), ք221:

10. ՀԱԱ Ֆ201, ց.1, գ.163, ք15:

11. ՀԱԱ Ֆ201, ց.1, գ.161, ք4,5:

12. ՀԱԱ Ֆ199, ց.1, գ.181, ք 2-14:

13. ՀԱԱ Ֆ203 ց.1, գ.122, ք2:

14. Սիմոն Վրացյան, Ֆայաստանի Ֆանրապետություն, էջ 456-457:

15. ՀԱԱ Ֆ201, ց.1, գ.427, ք 23-62:

16. ՀԱԱ Ֆ201, ց.1, գ.157, ք26:

17. ՀԱԱ Ֆ201, ց.1, գ.157, ք34:

18. Սիմոն Վրացյան, Ֆայաստանի Ֆանրապետություն, էջ 393:

19. ՀԱԱ Ֆ201, ց.1, գ.732, ք2:

20. ՀԱԱ Ֆ203, ց.1, գ.745, ք36:

21. ՀԱԱ Ֆ203, ց.1, գ.60, ք67:

22. ՀԱԱ Ֆ127, ց.1, գ.3, ք64: